

آبونه شرائطی

ممالك عثمانیه ده سته لکی (۶۵) آلتی ،
یلغی (۳۵) غروشیدر
ممالك اجنبیه ده سته لکی (۱۷) ، آلتی
ایلغی (۹) فرانقدر .

اداره خانه

باب عالی جاده سنده دائره مخصوصه

افطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ابدلین یازیلرا عاده
اولونماز .

الکشاف

۱۳۳۰

دینی ، فلسفی ، علمی ، ادبی هفته لقی مجموعه اسلامیه در .

صاحب و مدیر مسئول

اشرف ادیب

باش محرر

محمد عاكف

والله يهدي من يشاء الى صراط مستقيم

اتبعون اهدكم سبيل الرشاد

افطارات

رساله مزدن آلتدیغی کوسترملک شرطیه
بتون یازیلر هر هانکی برغزته طرفندن
اقتباس اولونه بیلیر .

§

مکتوبلرک، امضالری واضح و اقوناقلی
اولسی و آبونه صره نومروسنی محتوی
بولونمسی لازمدر .

§

ممالك اجنبیه ایچون آبونه اولانلرک
آدرس لرینک فرانسزجه ده یازلسی رجا
اولنور .

§

پاره کوندرلدیکی زمان نه به دائر اولدیغناک
واضحاً بیلدیرلسی رجا اولنور .

تعارف اسلام

مصطفی صادق الراقمی

— استاد حکیم فرید بکه —

مصرک بیوک شاعری، نیلک اک صمیمی عاشق، شرقک مدقق بردوقوری اولان، عثمانلیلرک سیف حاشتی ترنم ایدن مصطفی صادق شرقک سمای دهاننده پارلایان ییلدیزلرک بریدر.

مصطفی: برشاعر الهمیدر. او، اک بیوک ذوقی اسرار الاهی آرامقده طویار. «اعجاز قرآن» شاعر عظیم الشانی فرقان حکیمک او لایتناهی لوح حقائقدن ناقابل تصویر غنچهلر طویلار، دمت یابار، تشنهکان شعره دیرلایمچی قوقولرینی قوقلادر و مست ایدر.

مصطفی، نیلک عاشقیدر. نیل اونک اک طاطلی ندیمی، اک سوکیلی دوستی در. مصطفی اونک اوکنده آغلار و فریاد ایدر.

فضای لاهوتد، کزن روح نافذیه هر دردمنزی کورور، هر درمنغزی بولور؛ صوکراده بزه بریدیعه شعریه ایچنده تقدیم ایدر.

استادک «انظرات»ی، بورو حک مشاهدات و تشخیصاتی حاویدر. «حدیث القمر» او روحک عسیانلری ایله طولودر. مصطفی بوراده بالخاصه ماحدلرک، مستبدلرک باشلرینه مهلاک صاعقهلری ایندیریور. «خسته شرق» منظومه سیله اک جکر سوز یاره لرمنزی نشترلیور، هرملریمنزی سورریور، درین بر حظ وجدانینک مستیسی ایچنده استقبالی سلاملیور. استقبالك کتیردیک سعادتلری، حریتلری، استقلاللری قوطلولایور. «اعجاز قرآن» قرآن ایله برابریشایه جق برأثرخلددر. اوکا هر عصرک مسلمانلری محتاج اوله جقددر. مصطفی نک بو کتاب میننی او قودقدن صکره قرآنی او قویانلر ار کتاب لاهوتینک عظمت حقیقیه سی بدرجه یه قدر تقدیرایده بیلرلر. چونکه قوت تقدیریه لری او عظمتک قارشیدنده پک ضعیف، پک عاجزدر. حتی مصطفی نک او پک بلیغ، پک روچرور سوزلری بیله او آیات بیناتک یاننده او قدر سونووک کورونیورکه قاره مرکب دامله لرندن بشقه برشی اولمیور.

اعجاز قرآن مؤلفی بو عجزیه او قدر معجز بر برهان عظمت الوهیه یی اثبات ایدیورکه عقلو حیران، روحلر کسران قالیور.

ایشته مصطفی نک بیوکلیکی، دهاسی بو عجز ایله ظاهر اولمیور، نه معظام برعجز!

مصطفی صادق برحزنی ایکلیورکن اونک هیچ بر آهی؛ برشوق و سروری ترنم ایدیورکن اونک هیچ بر ترانه سی اونوتمز، اک طاش یورکاری بیله جریحه دار، یاخود لبریز مسار ایدر. او بودرجه حساس برشاعردر.

اونی ایلك دفعه العلم غزته سنده کورددم. بزه «عثمانلی قلیچی»

منظومه سی اوقیور ایدی. بز هیالایا ایله آلب آره سنده کی میدان عظیمده دائما مظفریتله شاقیردایان عثمانلی قلیچنک اومهب صداسی بروج و استغراق ایچنده، برخشوع قلبی ایله دیکلیور ایدک. استاد، بردنبره، مظفریت احرازینه آلیشان اوسیف جلادتی یکی برظفرک شعریه تنوچ ایدرهک صوصدی. همزده او ظفری قوطلولولادق. از وقت طرابلس محاربه سی پک شانلی برصورتده دوام ایدیور ایدی.

بونی متعاقب برقاچ آی صکره استادک او شمندی یه قدر بوبله جه یازیله میان «تاریخ ادبیات عربیه» سی چیقدی، بومناسبت ایله مصرک اک بیوک ادیبارندن صادق بکک یازدینی «دها و ابتکار» مقاله سی، پک قیصه برمدت ظرفنده کتابدن هیچ برنسخه برانمادی. مصطفی نک بو اثر دهاسی حقیقه تقدیر ایدلمشدی.

برقاچ آی صکره «اعجاز القرآن» انتشار ایددی. بو معظم اثری ایلك سلامیان علامه شهر فرید وجدی پک ایدی. اوندن صکره بیوک شاعرلر و محورلر برر برر وظیفه لرینی ایفا ایدیلر. بو، اونک سلطان آثاریدر. حالبوکه او، دائما، بی کوردکجه، ذهنده کفی یازه مدیفندن شکایت ایدر.

مصطفی: پک چوق قازانیر، فقط فقیردر. او، فقرده بر لذت طویار، برشاعریت کورر. بوتون قازاندیغی یتیملره و یتیمه لره تخصیص ایتمشدر. او بوندن لایتناهی بر لذت حس ایدر. «اک بیوک شعر بودر» دیر.

ایشته نیلک شاعر داهیسی...

مصرلی

عمر رضا

مصر فتیحی

۳

بابلیون محاصره سی یدی آی سورمشدی. بومدتک آنجاچ بر آی اولدیغنی سویله یین (ابن عبدالحکیم) دیرکه:

اسلام اوردوسی، بابلیونی محاصره آلمش و آرادن بر آی قدر برزمان کچمشدی. قصبه داخلنده بر مقدار روم ایله برابر قبیطی اکبری موجود ایدی. باشلارنده بالذات مقوقس بولونوبوردی. مسلمانلرک مهاجماتی شدتله نیجه مقوقس ایله قبیطیلر، قسبه نک آرقه طرفندن چیقدیلر و نهر ایچنده کی آطیه کچوب کوروی کسدیلر. قلعه قوماندانی اولان روم، کندینسه تابع بولونانلرله داخلده قالب مدافعه یه دوام ایتدیه ده دایانامایا جغنی آکلاینیجه ساحلده کی قایققلرله آطیه کچدی و اوراده کیلر. التحاق ایله دی. بوندن صوکره مقوقس، اسلام اوردوسته بر هیئت سفارت یوللایوب مصالحه طلبنده بولوندی. عمرو بن العاص، بو هیئتکی ابکی کون، ابکی کیجه اوردوده آلیقوددی. بعده اسلامه کیرمک، جزیه ویرمک، محاربه یه دوام ایتمک